

P2 Setu istor ur yarig ruz. Ruz he fluñv, ruz he c'hribenn ha tener he c'halon.

P4 Kavout a reas ar yarig ruz ur c'hreunenn winizh, pas kement evit e zispignaat met a-walc'h evit e hadañ.

P5 Pa ne blij ket dezhi labourat he unan na bezañ he unan o labourat, mont a ra da welet e vignoned nepell.

P6 An houad a ra ar blankenn, heoligañ a ra ar c'hazh hag ar pemoc'h a zo azezet er fank o lenn. N'int ket dall ha mezv gant al labour.

- « Piv am sikouro da hadañ ar winizhenn-mañ, mar plij ? » a c'houlenn ar Yarig Ruz.
- « Ne rin ket me », eme an houad, « N'am eus ket amzer, o pleustriñ emañ me ! »

P7

- « Ne rin ket me », eme ar c'hazh, « N'am eus ket amzer, o labourat emañ me ! »
- « Ne rin ket me », eme ar pemoc'h, « N'am eus ket amzer, o teskiñ traou emañ me ! »
- « Ac'hanta, kompren a ran », eme ar Yarig Ruz. « Me eo a yelo d'ober ma-unan »

P8 Tremen a ra an amzer, cheñch a ra an amzer. A zeiz da noz, heol goude glav, kreskiñ ha dareviñ a ra an ed.

P9 Ar mintin-mañ eo poent hadañ !

P10 Plij a ra d'ar Yarig Ruz lodenniñ al labour hag al labour rannet, neuze ez a da welet an tri all endro. N'o deus ket savet ur bluñv, ur blev nag ur reun. Goulenn a ra dezho :

- « Piv am sikouro da zastumañ, mar plij ? »

P11 - « Ne rin ket me », eme an houad en e c'hourvez en dour, « N'am eus ket amzer ! »

- « Ne rin ket me », eme ar c'hazh en e c'hourvez en aer, « N'am eus ket amzer ! »
- « Ne rin ket me », eme ar pemoc'h en e c'hourvez er fank, « N'am eus ket amzer ! »
- « Domaj eo, eme ar Yarig Ruz, kompren a ran. Ober a rin ma unan endro... »

P12 Troc'hañ a ra, eostiñ a ra, dastumat a ra ar pennoù-ed...

P13 hag o lakaat a ra en ur sac'h evit e kas d'ar milin.

P14 Ar Yarig Ruz a blij dezhi al labour prop ha labourat asambles gant ar re all a c'houlenn d'an tri all :

- « Piv am sikouro da gas ar sac'h ed d'ar milin, mar plij ? »

P15 An houad, ar c'hazh hag ar pemoc'h int beuzet en dour, ar c'houk hag al lenn.

Respont a reont :

- « Ne rimp ket ! Gwelout a rez mat omp dall ha mezv gant al labour.
- « Mat ! » eme ar Yarig Ruz a grog da vezañ skuizh gant an tri-se. « Komprenet am eus, ez an d'ober ma-unan adarre ! »

P16 Mont a ra d'ar milin, gortoz e tro ha distro e sac'h leun a vleud ganti war he lerc'h.

P18 Mont a ra da welet an tri all :

- Amgrediñ a ran oc'h re foulet, re darbaret, re sachet ganti evit sikour ac'hanon ?

P19 Na respontont grik zoken...

P20 Distreiñ a ra d'ar ger, stlap an nor ha fard ur wastell. Netra par da zraoù dous evit en em frealziñ diwar kaledet ar galon.

P21 Poazañ a ra ar wastell er forn. War he gador-vrec'h, hunvreal a ra ar Yarig Ruz diwar-benn vioù ha poñsined .

P23 Er maez, an tri all ha chomont a sav a-benn kaer : ur c'hwezh c'hwek a zeu betek o beg, o mourrou hag o mojell...
Pa teu c'hwezh ar wastell diwar ti ar Yarig Ruz, divizout e reont mont d'he gweladenniñ, ken pell n'o deus ket gwelet anezhi !

P24 - « Yarig Ruz, re vras eo ar wastell-mañ, da vignoned omp : sikour a raimp ac'hanout d'he debriñ. Hag ouzhpenn...gwelloc'h eo rannañ gant ar re all. »
« Ar gwir a zo ganeoc'h », a respont ar Yarig Ruz. « Piv en do ? »

P25 - « Me am bo », eme an houad.
- « Me am bo », eme ar c'hazh.
- « Me am bo », eme ar pemoc'h.

P26 Neuze e zidroc'h ar Yarig Ruz c'hwec'h lodenn an ingalañ ar gwellañ.

P27 – « Perak c'hwec'h 'ta ? » en em c'houlenn an houad, ar c'hazh hag ar pemoc'h a glask memestra merzhañ ar re devañ.

P28 Kregiñ a ra ar Yarig Ruz dasparzhiañ en ur lavaret :

- « Bezit dinec'h, pep hini en do e begement ».

« Ha setu...

UNAN evit an hini he deus kavet ar c'hreunenn winizh,

UNAN evit an hini he deus o hadet,

UNAN evit an hini he deus eostet ar pennoù-ed,

UNAN evit an hini he deus o c'haset d'ar milin,

UNAN evit an hini he deus keginet... »

« hag an hini ziwezhañ, evidon eo pa m'eus gouzañvet ac'hanoc'h ha mat zo graet din ».

P29 « Ô, na domaj eo, n'eus ken evidoc'h !

Petra a rit, me, n'am eus graet nemet lodañ reizh pep unan e deus bet a pezh a zlee. »

P30 Distroet eo an tri pitous ha dipitet. Saouret he deus ar Yarig Ruz he gwastell. O paouez lipaat al loa e oa pa skoer ouzh an nor...

P31 - « Demat deoc'h, gallout a ran o pediñ d'evañ ur banne ? »

P 32 An istor-se a zo bet kontet din a-raok, deoc'h am eus graet bremañ, deoc'h c'hwid'ober hiviziken...